



Simona Caminada, Lorenz Aenis e Claudia Lombris (da sanester) han pudì preschentar il 16avel Top Pop Rumantsch. MAD

Top Pop numer 16 – vuschs reunidas

■ (cp) Il novissim Top Pop Rumantsch serra cercchels: **Claudia Lombris e Simona Caminada resentan cun lur trio Not Yet sco ch'igl è dad esser «Bandunau»**. En las classes da musica a la Scuola media a Cuira èn ellas s'entupadas l'emprima giada, *Simona Caminada* da Castrisch e *Claudia Lombris* da Schluein, domaduas grondas amaturas dal chant modern. A la finiziun da matura l'onn 2005 han ellas intunà cun grond gust ensemen in'atgna chanzun. Cur che

Simona ha tschertgà trais onns pli tard ina vusch accumpagnanta per in concert ad hoc a Glion ha ella sa regurdà da Claudia. Il giavisch da cuntinuar a chantar ensemen e furmar ina gruppà è uss daventà concret; sco emprim accumpagner han las duas studentas sursilvanas chattà il multiinstrumentalist *Lorenz Aenis* da Basilea. Ed in num per il project è er già stà pront – Not Yet («betg anc»). Impurtant saja che mintga persuna dal trio possia realisar sias atgnas ide-

as musicalas, punctueschan Simona e Claudia. La chanzun ch'ellas han proponì sco Top Pop Rumantsch è vegnida scritta da Claudia Lombris; i sa tracta d'ina melodia inspirada d'ina cesura en sia vita persunala, il titel tradescha giabler: «Bandunau». Quasi in eco lontan a la chanzun che Simona Caminada ha gi interpretà avant trais onns sco Top Pop («Tuorna») – la famosa retscha dal Radio Rumantsch mussa damai cuntinuitad!